

ختامها مسك

إنت ليه مش بتمسك إيدي وإحنا ماشيين في الشارع؟

لأ بلاش... افرضي حد من قرابيك شافنا؟ والا حد من أصحاب أخوكي في الكلية؟
إنشاء الله يا حبيبتى بكره نتخطب وامسك إيديكي
قدام الدنيا كلها..

Engaged

إنت ليه مش بتمسك إيدي وإحنا ماشيين في الشارع؟
علشان مش عاوز حد يفتكر إننا علشان اتخطبنا هنصيع
بقى ونعيش حياتنا...
وبعدين بصراحة كده أنا مستحرم...
إن شاء الله بكره نتجوز وامسك إيدك وإنتي مراتي
حبيبتى في الحلال.

Married

إنت ليه مش بتمسك إيدي وإحنا ماشيين في الشارع؟
يا حبيبتى إحنا مش مراهقين بقى هنمسك إيد بعض في
الشارع وكده....

إحنا اتنين متجوزين ومحترمين وعندنا بيت نعمل فيه اللي
عاوزين نعمله

Married with Children

إنت ليه مش بتمسك إيدي وإحنا ماشيين في الشارع؟
يعني امسك إيدك والا امسك إيد البنت والا اشيل الأكياس
دي كلها؟

Married for 25 years

إنت ليه مش بتمسك إيدي وإحنا ماشيين في الشارع؟
إيدك إيه بس اللي هامسكها دلوقتي! إنتي عاوزه جوز بنتك
يقول علينا كبرنا وخرفنا؟

Married for 50 years

إنت ليه مش بتمسك إيدي وإحنا ماشيين في الشارع؟
يعني امسك إيدك واسيب العكاز علشان اقع مانا عارفك
عايزة تخلصي مني علشان تورثي.

طبعاً المسألة مش بالشكل الكاريكاتوري كده، إنما طبعاً فيها
كتير من الحقيقة ..

جرب وامسك إيد مراتك بحب، مش بس تعدّيها الشارع، لكن
تظهر لها اهتمامك .. رجالة كتير، وستات كمان بتفتكر إن ممارسة

الجنس تكفي، لأ ده لازم ولا بدّ يكون فيه تعبير بسيط ومباشر،
وليكن رمزه مسكة الإيد المهمة قوي، والبسيطة قوي... جربي كده،
جرب انت كمان .. حتى لو كانت البداية مجرد تنفيذ إيحائي من
قرائتك لهذا الكتاب.

